

clara quidem ista: sed nescit, quid dicit. Nam in Iudæorum po-  
 testate nunquam fuit, ut expectarent φάσιν: quia raro Luna se osten-  
 dit, nisi secundo post coitum die. Quod si expectandum ipsis esset,  
 res ridicula accideret, ut Elul, qui semper est cauus mensis, non so-  
 lum plenus, sed etiam aliquando unius & triginta dierum esset. Sine  
 dubio translationem feriæ intelligit, cuius causam ignorat. πρῶτον  
 Ἰαβιάτον vocat ראש השנה caput anni. Nam Sabbatū vocat, quia Fe-  
 stus dies, καὶ ἀεργός. Ita etiā vocatur Leuitici x x i i i, 24. ἐοστὶν intel-  
 lige κατ' ἰσοχὴν τὴν πεντηκοστήν: quod ita Hebraice vocetur, nēpe תשעה.  
 Vide in Computo Iudaico. At μεγάλῃς ἡμέραις vocat τὴν σιλωοπι-  
 γίαν, κατ' ἐξοχὴν quoq; id est תשעה. Nam aliæ erant μεγάλας ἡμέ-  
 ραι, proinde ut & תשעה. Sic Tertullianus magnos dies dixit, quos  
 Hebræi תשעה vel תשעה. Eius verba sunt ex v in Marcionem:  
*Dies obseruatis, 9 menses, 9 tempora, 9 annos, 9 Sabbata, ut opi-*  
*nor, 9 cenas puras, 9 ieiunia, 9 dies magnos.* Sed quid Tertullia-  
 num aduoco? Ecce Biblia Græca ita vertunt ex primo cap. Isaïæ:  
 τὰς νημερίας ὑμῶν, καὶ τὰς ἡμέρας μεγάλῃς ὅσα ἀνέχομαι.  
 Quod Hebraice est תשעה, vertunt μεγάλῃς ἡμέραις, quod idem  
 est quod תשעה: & quidem manifesto Sabbata distinguuntur a ma-  
 gnis diebus. Quare perperam quidam μεγάλῃς ἡμέραις interpre-  
 tantur. Sabbatum apud Iohannem, ἡ ἡμέρα ἡ μεγάλη (αβ-  
 βάτων ἐκείνη. de quo infra. Quin & Tertullianus ipse ὡς ἀπαύρας,  
 quas cenas puras vocat, a diebus magnis, & a ieiuniis, & a  
 Sabbatis distinguit. De Cena pura, præter id quod diximus ad  
 Festum, ita reperi in veteri & peroptimo Glossario Latinoara-  
 bico: *Parasceue, cena pura, id est, preparatio, qua fit pro-*  
*sabbato.* Conditor Annalium Ecclesiasticorum turbat de cena  
 pura, & negat esse parasceuen, quia cena pura apud Festum  
 habeat offam suillam. Sed ipse, (pace docti viri dixerim) non  
 aduertit Puram dici, non quia careat carnibus, sed quia reli-  
 gionis & dicis causa fit. Nam & parasceuæ Iudaicæ habent car-  
 nes, & nihilominus dicuntur cenæ puræ, quod dicis causa co-  
 quebantur, coquunturque hodie prosabbato, quia in Sabba-  
 to coqui non liceat. Non negabis, candide Lector, hæc vul-  
 go non intelligi. Itaque locus ille est nobilissimus. Tamen quo-  
 tus quisque est ex tot Lectoribus, qui non hæc aut præteri-  
 bit, aut calumniabitur? Sequuntur periodi magnæ Hagare-  
 norum, ex quibus ratio anni soluti Indorum, & Muhamme-  
 danorum tota pender. Omnia nunc primum ex Arabum scri-  
 ptis prodeunt: atque adeo omnis tractatio nostris hominibus  
 noua est. Excipit hanc doctrina anni Iudaici hodierni, res, quod  
 sæpe diximus, artificiosissima, ideoque eximia, quia melior